

EPISTOLA.

insecutionibus si intelligerem quæ ab ipso dicuntur, nonnihil liberet verborum facere, quasi controuersando. Nunc vereor, ne, si quid à me commemoretur, existat aliquis, qui quasi de arcanis non initiatum me temere garrire prædicet. De his igitur plus modo verborum non sumus facturi. Quæ autem nonnihil illustrantia Nicomachea latine studuimus exponi, ea descripsimus ex libro accepto aliquando ab Hieronymo Pamgertnero, interpretati omnia fideliter, Sed oratione aliquantulum à vulgari forma abducta. De quo longum esset referre rationes, neq; id iam faciendum esse duxi. Hoc audeam affirmare: Si quis non adhibeat studio isti mediocrem saltem sermonis Græci noticiam, eum vix esse omni sua contentione assecuturū liberalis in hoc genere doctri-

A 4 na co